



QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Jovis
decima-tertia Novembris.

M. STEPHANO BACHOT,
Doctore Medico, Præside.

*Est-ne Phlebotomia omni ætati omnium magnorum mor-
borum princeps & universale remedium?*

I.

HOMO cùm nascitur, in vitam tanquam in pa-
læstram ingreditur, ubi quamdiu vivit infinito-
rum penè ac diversorum morborum grandine ver-
beratur, ut nihil aliud sit diu vivere, quàm diu
torqueri. Unde Thraces haud ineptè quondam homines pro-
deuntes in lucem lacrymis, abeuntes effusissimo gaudio pro-
sequebantur. Noverant enim cordatissimi illi populi vitam
aliud nihil esse quàm periculosam navigationem, juxta vetus
illud hemistichium *πλοῦς σφαλερὸς τὸ ζῆν*. Undique homini
viventi parantur insidiæ, ut quibus vita carere non potest,
eadem ipsi perniciem creent, neminem illæsum fata trans-
mittunt, & ab ipsis mundi natalibus ad hunc usque diem vix
πρὶν ἀπειρήσαν ὁδὸματα reperias: & in eo descendus homo est,
quod ei non liceat gratis & impunè vitâ excedere: Adcò

2

verum illud divini senis effatum : hominem ab ipsis incunabulis ad ultimam usque vitæ lineam totum esse morbum.

I I.

EXCLUSUS uteri latebris, & inimicâ luce potitus, fit statim morborum omnium scopus & præda, ut nulla sit illius ætas quæ morbos suos non habeat. Infantis & adhuc Vagientis achoribus Vertex sædatur, caput hydrocephalo gravatur, disflant aures cerumine, aphtis insuetum cibus os finditur, pulmonem tussis ferina dilacerat, vomitus ventriculum subvertit, alvum cruciant tormina, mentem pavores & vigilæ conturbant. Dentes erupturi? convellitur infans, quibus accedit febris, & alvi fluor. Grandiorem jam factum pungunt lumbrici in intestinis geniti, calculus vesicæ discruciat, nullo comminuendus *λυστησας*, phthisis exedit. Nec suis dumtaxat morbis obnoxius vivit, sed & alienis & hæreditariis, vix ullo medicæ artis auxilio debellandis pater, ut sæpè delictorum parentum pœnas immeritus luat, nec minus morborum quàm paternorum bonorum hæres fiat.

I I I.

VIRILIS ætas patitur morborum omne genus; sed frequentissimè febrem, quâ nulla non corrigitur ætas, quæ si in hecticam fortè degeneret, quod sæpè fieri amat aut medentium imperitiâ, aut incautâ victus lege cubantium; In eam nihil licebit, neque futilibus agyrtarum granulis, ac pulveribus, neque auro, si Diis placet, potabili, ad aucupium crumenarum ficto, sed in unâ analepsi præcipua curationis spes est collocanda, fit & sæpè morborum malignorum particeps, in quorum censu venenatas illas & pueris valde familiares papulas reponimus, Hippocrati & Galeno medicinæ Principibus ignotas, ex residua sanguinis menstrui portione genitas, quibus præcavendis appensus collo hydragyrus, aut armillus purpuraceus brachio circumpositus, meræ sunt nugæ, & anilia deliramenta; quarum curationem si ritè velis instituere, venam postmodum seca iterum atque iterum, etiam erumpentibus non benè papulis, quicquid obstrepant imperiti aut assidentes mulierculæ, illud enim verum est & genuinum alexiterium, quod vel lactentibus qui negat, necat.

MAGNIS etiam morbis ultimâ ætas adffigitur, inter quos nullus est, cui Phlebotomia non sit præsentissimum remedium, ut ipsi etiam Casnares, & Depontani, acutè si febriant, eam admittant. Æstuat aliquod viscus princeps? pulmo amburitur? validi dolore excruciant? lancinat colicus dolor? dirus crescit hydrops? Tu ne cede malis, sed potiùs tot morborum ac symptomatum retia & nodos uno Hippocratis ense rescinde. Hâc ratione tu te etiam ab omni pleuritide, & ardentissimâ febre expedies, si in illâ sanguinem ad coloris mutationem *ἔχεται ἰσχυρῶς*; in hâc ad animi deliquium aliquando profundas. Hunc vitæ thesaurum esse & naturæ prædium rudis exclamabit hæmôphobus, Verùm & thesaurum expendisse quandoque haud malum est, dum vitam redimas. Hoc uno si defraudentur ægri præsidio, vel ad necem trahuntur præcipites, vel si forte naturæ nisu salvantur, in longas tandem ac difficiles ægritudines transeunt; quartanam scilicet, stibio non attingendam, duros lienes, quibus molliendis imposita securis acies, haud securum est, sed insolens plane & crudele præsidium, malum habitum, aquam intercutem, & alia permulta, quibus avertendis una sufficiebat epaphræsis turpiter prætermissa.

V.

INTER affectus qui homines de mediô tollunt, nulli celerius acutis; quorum alii calidi, alii frigidi: utrisque medetur venæ sectio. Apoplexiæ, quæ est *ἔλουν τὸ σῶμα τοῦ σώματος τοῦ σώματος*, & cui magis sunt præpingues obnoxii, quàm graciles, nullum est remedium ipsâ phlebotomiâ præsentius atque jucundius; frangit & vim herculeam affectûs epileptici, cujus *τὸ ἐπιδεικνύον* puerilis ætas, ut pubertas *τὸ ἀπαλλακτικόν*. Spasmi quoque curationem à missione sanguinis auspicari medicus debet, priusquàm de catharsi cogitet, quam qui in acutô aut magnô morbô phlebotomiæ præponit, operam ludit, imò lædit, & carnificem agit, non Medicum. Uno verbo, si rectè calculum ponas, nulli fere non morborum generi phlebotomia præsto est. Sed ea est nostrorum temporum infelicitas, ut de principe remedio coram viris Principibus loqui jam piaculum sit, solique medici *χαλεπὴς* legitimam hanc

per Phlebotomiam curandi morbos rationem calleant, non plebei non gregales & proletarii Medici, non Empirici, qui ignavi nimis & ignari in locum τὸ ἰγμωχὸς vesicantia, frictiones, spiritus, sales volatiles, syrupos tartareos, extracta, quintam, quod vocant, essentiam, ac cæteras hujusmodi remediorum quifquilias magno ægrotantium damno præscribunt.

Est ergo Phlebotomia omni ætati omnium magnorum morborum princeps & universale remedium.

Domini Doctores disputaturi.

*M. Petrus Daquin, Medicus
Regis perpetuo ordinarius.
M. Ioannes Cordelle.
M. Petrus Yon.*

*M. Antonius de Saint-Yon,
Medicus Regis ordinarius.
M. Ioannes Robert.
M. Ludovicus Gayant, Me-
dicus Regis ordinarius.*

*M. Tussanus Fontaine,
Professor Regius.
M. Franciscus Pajot.
M. Nicolaus Richard.*

Proponeretur Lutetiæ CLAUDIUS-JOANNES-BAPTISTA DODART,
Parisinus Baccalaureus Medicus. A. R. S. H. 1687.

P A R I S I I S,

Apud Franciscum Muguet, Regis & Facultatis Medicinæ
Typographum.